



## **A represión franquista do Maxisterio. Unha historia que debemos seguir reescribindo, para fundamentar historicamente unha educación para a paz.**

*Xosé Manuel CID FERNÁNDEZ  
Universidade de Vigo*

PALABRAS CHAVE: depuración; maxisterio, exilio, represión franquista; Eloy Tejada Sainz; Eudosia Lorenzo Diz.

O obxecto desta selección documental é ampliar datos da represión franquista, abordada nun número recente da revista, aportando novas evidencias sobre a morte ou exilio de cinco docentes de Ourense, e incluíndo documentación de dous deles, que nos facilitaron as familias: Eloy Tejada Sainz (paseado) e Eudosia Lorenzo Diz (exiliada).



Eloy Tejada Sainz.



Eudosia Lorenzo Diz.

Paul Feron Lorenzo escribiunos desde París, despois da lectura do número 21 da Revista Sarmiento, para tirar do fio dunha frase que eu incluía na miña colaboración:

Moitos dos nomes que nos resultan descoñecidos poden tratarse de mestres en expectativa de destino, cursillistas do ano 1936, e alumnado que remataba estudos na promoción do plano profesional. A represión nestes colectivos aínda necesita estudos mais locais que detecten novos casos, que se manteñen á marxe de calquera estatística oficial.<sup>1</sup>

Toda a documentación que enviaba sobre o exilio de súa nai, Eudosia Lorenzo Diz, efectivamente daba forza a esa limitación do meu estudo de 2017, e convidábanos a seguir traballando nesta necesaria labor de memoria histórica. Nunha das súas estadias na casa familiar de Fradalvite (Lobeira), Paul Feron recibíunos a Deibe Fernández Simo, educador natural daquela comarca, e a min. Logo fariamos outras visitas a lugares da Baixa Limia e Norte de Portugal para coñecer con mais profundidade novos escenarios da represión franquista.

---

<sup>1</sup> Xosé Manuel Cid Fernández, “A represión franquista en Ourense: novos argumentos contra a desmemoria da persecución sufrida polo maxisterio”, *Sarmiento. Revista Galego-Portuguesa de Historia da Educación*, 21 (2017): 80.

En setembro de 2019, a Asociación de Memoria Histórica do Val do Limia organizou unha homenaxe aos veciños asasinados na comarca. Entre os oradores ía estar Paul Feron, que finalmente non puido acudir. En troques, si que puideron coñecerse novos datos da represión do maxisterio, pois no monolito con 25 nomes incluíuse o de de Eloy Tejada (Mestre de Rañadoiro-Muiños), debido a unha emotiva carta enviada por familiares cando se enteraron deste acto polas redes sociais.

Con esta documentación aportada polas familias, coñecemos novos datos da represión, engadindo nomes de asasinados e exiliados ás listas publicadas no número 21. Un novo acercamento á súa labor docente, e ás penurias sufridas despois de xullo de 1936, que aínda poden achegar mais luz sobre esta realidade, realizase nos XXXIV Encontros Galego-Portuguesa de Educación pola Paz, organizados por Nova Escola galega en Castro Laboreiro, localidade do Concello de Melgaço, na que estiveron moitos refuxiados e refuxiadas, fuxidos do terror franquista en Galicia.

Américo Rodríguez,<sup>2</sup> do Núcleo de Estudos e Pesquisa dos Montes Laboreiro, achegounos o seu extraordinario traballo sobre o tema, e ademais motivounos a volver a outras fontes que tiñamos ao noso alcance, para constatar e completar esa información.

Neste traballo aparecen novos nomes de mestres da comarca refuxiados en terras castrexas, naqueles pobos aínda transhumantes da raia galego-portuguesa, entre os marcos 2 e 53: Bieito Fernández, de Grou-Lovios, José Pena Domínguez, Antón Alonso Ríos, Eudisia Lorenzo, Argimiro Gándara, Pepe ‘o Barbeiro’, e outros que non tiña totalmente identificados, e moi ben poderían ser tamén mestres daquelas terras arraianas.

Volvemos ás memorias de Armando Fernández Mazas, procurando ampliar datos do seu exilio en Castro Laboreiro, co pseudónimo de ‘señor Inacio’, e puidemos constatar datos de guerrilleiros e exiliados citados por Américo, e ademais puidemos facer un descubrimento colateral, que nos permite tirar doutra limitación que sinalamos no noso estudo do número 21 de Sarmiento: “Estes datos son necesariamente incompletos pola pouca información que temos sobre profesorado do ensino privado”.<sup>3</sup>

---

<sup>2</sup> Américo Rodríguez, “Refugiados e gerrilleiros antifranquistas em Castro Laboreiro (1936-1942)”, *Boletim Cultural*, 10 (2018): 167-211.

<sup>3</sup> Cid Fernández, “A represión franquista en Ourense”, 82.

**Taboa 1. Novos datos sobre o asasinato e exilio no maxisterio galego**

Mestre/a	Escola	Concello	Tipo represión	Data morte extraoficial/ Sanción
Eloy Tejada Sainz	Rañadoiro	Muíños	Paseado	18/09/1936. Barranca-Lardero (La Rioja). Reingreso no escalafón con traslado 23/10/1941. ¡Cousas da vida!
Isaac Forneiro Barandela	Colexio Villar	Ourense	Fusilado	18/12/1936, Castelo de San Felipe (Ferrol). Rebelión Militar
Eudosa Lorenzo Diz	San Xes de Vilaríño	Lobeira	Exiliada	Castro Laboreiro. Marrocos e Paris
José Pena Domínguez	Ferreirós	Lovios	Exiliado	Castro Laboreiro e Francia
Argimiro Gándara Prieto	Sabariz	Lobeira	Exiliado	Castro Laboreiro

Fonte: Elaboración propia.

Efectivamente, podemos completar as cifras coñecidas da represión franquista do maxisterio ourensán no ensino privado, co nome do galeguista Isaac Forneiro Barandela, mestre de Mazas na infancia no Colexio Villar, da rúa San Fernando de Ourense, que no momento do seu fusilamento exercía como empregado de banca na comarca de Ortigueira (A Coruña),<sup>4</sup> cansado de non aprobar as oposicións ás que se presentaba. Os alumnos que recibían a súa formación na academia aprobaban, mentres el sufría unha especie de amnesia que lle impedía responder as preguntas que sabía.


Como sinalamos mais arriba, a nada que concretemos nunha comarca, os nomes van saíndo e traendo luz sobre historias de vida que aparecían incompletas en traballos anteriores, e que reflicten situacións dramáticas da represión sufrida por honrados mestres e mestras.

Aos aproximadamente 100 mestres e mestras asasinados no conxunto de Galicia, podemos engadir estes dous nomes, un no ensino público e outro no privado. Pola súa maior vinculación co ensino, centraremos esta selección documental en Eloy Tejada, aproveitando a xenerosidade da familia e da Asociación de Memoria Histórica do Val do Limia, para facilitarnos o acceso aos seus arquivos.<sup>5</sup>

<sup>4</sup> Armando Fernandez Mazas, *Política y Pedagogía. Memoria teórica de un maestro de la A.T.E.O.* (Ourense: Ediciones Andoriña, 1990), 190-191.

<sup>5</sup> Os descendentes que se interesaron por recuperar a memoria do mestre de Rañadoiro son: Lola Júdez López, sobriña neta que exerce de mestra en Valencia, e o seu marido, Vicent Malonda, mentres pola Asociación de Memoria Histórica do Val do Limia; foinos de gran axuda a colaboración do seu presidente Carlos Morais.

Eloy Tejada Sainz chegou a Muíños, procedente da súa terra, Tudelilla-La Rioja, onde nacera en decembro de 1905. No primeiro bienio exerceu a súa profesión de maneira exemplar na escola de Rañadoiro, e cesou en novembro de 1935, en que pediu excedencia, a causa dunha grave enfermidade. Este feito ten pasado desapercibido aos estudosos da represión en Galiza, debido a este traslado, pero as noticias que chegan daquelas terras non son moi alentadoras, pois encontramos que, só na fosa común de La Barranca-Lardero, fálase duns 400 fusilados,<sup>6</sup> entre eles o noso mestre que, quitado do hospital onde estaba ingresado, foi executado o 18 de setembro de 1936.



Informe que o cura de Muíños emitíu sobre o mestre Eloy Tejada Sáinz.

<sup>6</sup> Jesús Vicente Aguirre, *Aquí nunca pasó nada. La Rioja 1936* (Logroño: Ochoa, 2008). Octava edición en 2018.

**COMISIÓN DEPURADORA DEL MAGISTERIO ORENSE**

**¡VIVA ESPAÑA!**

En uso de la facultad concedida por el artículo 22 de la Orden de la Presidencia de la Junta Técnica del Estado de 19 de Noviembre de 1938 (Boletín Oficial de 11 del mismo mes), y con el fin de dar exacto y puntual cumplimiento a cuanto en dicha disposición se ordena en relación con las funciones de esta Comisión, me dirijo a V.ª para interesarle que a la mayor brevedad posible se sirva informar acerca de la conducta política, social, moral y profesional del maestro de la escuela de Hañadaira (Muñías)  
Don Eloy Tejada Sainz  
a cuyo fin formulo al pie del presente oficio el cuestionario mínimo que debe ser contestado.  
Dios guarde a V.ª muchos años.  
Orense, 14 de Febrero de 1938.  
II AÑO TRIUNFAL

EL PRESIDENTE,  
*[Firma]*

*Sr. Santiago Rodríguez Pérez*

**QUESTIONARIO** (Muñías)

¿Pertenece a alguno de los partidos del Frente Popular? No

¿Pertenece a sociedades secretas? No

¿En qué fecha?

Labor en la Escuela Buena

Conducta política, moral, social y religiosa Buena

¿Hizo propagandas disolventes? No

¿Las hizo en la Escuela diurna o en la de adultos? Ninguna

(Firma)  
*Santiago Rodríguez*

Informe para a comisión depuradora asinado por Santiago Rodríguez Pérez.

De maneira inexplicable, pero cada vez máis repetida nos expedientes de mestres asasinados, Emilio Estévez Rial e Juan Saco, en nome da Comisión Depuradora de Ourense, decretan, case cinco anos despois, que “no alcanzándose responsabilidad alguna originada de este expediente ... puede continuar ejerciendo el cargo, caso de que llegue a reintegrarse a la enseñanza... en otra escuela de la provincia...”.<sup>7</sup>

As tres hipóteses que se nos ocorren para explicar estes feitos son igual de macabras e probablemente as tres se poderían confirmar, con máis ou menos

<sup>7</sup> Expediente de depuración de don Eloy Tejada Sainz. Archivo familiar.

evidencia: unha, foi tal a violencia exercida, que non levaron conta dos mortos, pois a vida das persoas carecía de valor para os responsables da represión; dúas, sabían dos mortos, pero querían lavar a imaxe, simulando que impartían xustiza; tres, era tan arbitraria a violencia, que as causas que alegaban para exercela non se sostiñan, e cando se analizaban minimamente as probas achegadas, era, con demasiada frecuencia, tarde.

Noviñas, Ourense 14-05-2004  
D<sup>o</sup> Lola y Jides López y esposa "Olivia"  
Hace días he recibido su carta la que su contenido  
paso a contestar.  
D. Eloy llegó aquí a esta aldea Roñadouro para  
hacer cargo de la escuela, sino recuerdo mal después de  
haber tomado posesión en el Ayuntamiento, en el mes  
de Septiembre de 1931, mi abuelo materno que era  
un hombre de aquellos antiguos que llevaba un poco  
el tón de del pueblo a el se dirigió D. Eloy, y enseguida  
le buscaron alojamiento en casa de una vecina del  
pueblo que le hacía la comida y le cuidaba la ropa,  
la habitación la tenía en la misma casa de la escuela  
que ya fuera destinada para ello y allí dormía y tenía  
sus enses.  
Tengo perfecto recuerdo que era un hombre bueno  
y amable con todos los vecinos, le escuchaban con  
mucho atención.  
Recuerdo que cuando murió mi abuelo el día cuatro  
de diciembre de 1931 estuvo allí en el retatorio en la  
propia casa, se metía conmigo diciéndome que  
era frago que tenía que estudiar mucho más.  
Allí en casa pasaba muchos ratos por las noches en  
invierno con la familia en la cocina alrededor  
del fuego contando cuentos e historias de la vida.  
De los alumnos que podemos existir poco tengo  
que contarles dado que a pesar de la edad, por  
circunstancias de la vida no queda ninguno en  
el pueblo, aunque no ha sido alumno hoy un señor

que ya ustedes se comunicaron con el por teléfono que si lo recuerda también a pesar de ser vecino de otro pueblo cercano a este, es el padre de Ricardo que mi hijo Plácido le había hablado.

Je como era la escuela le diré; era una casa vieja de una familia campesina del pueblo, dicha casa en el año 1928 le hicieron la debida reforma al local y habitación para instalar allí la sección creada escuela, se compone la casa de los bajos que en las aldeas se destinan a cuachos de ganados y el piso superior a vivienda y local escuela, con un corredor todo alrededor donde nos acogíamos cuando llovía antes de entrar.

Alumnos matriculados éramos más o menos unos treinta juntamente con otros de otro pueblo perteneciente a esta escuela.

Actividades: en aquella época ninguna, solamente en tiempo libre, en unas eras donde se majaba jugábamos a la pelota siendo entrenados nuestro maestro D. Eloy.

Los festivos y domingos D. Eloy se venía para Abouqueimez donde se reunía con sus amigos, maestro acompañaba también a una chica muy elegante que se llamaba Olimpia Tejada Rodríguez, ya fallecida.

Organización: al hacerse cargo de la escuela trató de organizar y ordenar todo oya que estaba todo hecho un desastre por el anterior, pasados unos días al conocer los alumnos organizó tres secciones 1ª, 2ª y 3ª, a mi entre otros me toco la primera. Existe un alumno que al marcharse D. Eloy le escribió una carta a este desde Tzidellilla, se la presenté y ya no les escribimos, si desean ponerse en contacto con él le indico su dirección.

sigue



Rua López Bande N.º 7. Teléfono 988-44-31-64  
 Bande - Ourense. Bande es cabeza de partido judicial  
 al que pertenece Moaña.

Anecdotal: Tratándose de reglas de urbanidad, como  
 había que comportarse para entrar en un local  
 habitado y cerrada la puerta; había que pedir per-  
 miso, descubrirse y dar usted su permiso; me tocó a  
 mí salir a realizar la prueba, pero resulta que allí me  
 quede mucho estuve fuera como media hora, mientras tanto  
 los otros se reúnen dentro, pasado el tiempo D. Eloy me hizo  
 entrar dándome como regalo por la operación dos bofetadi-  
 tas muy suaves por las cuales le quede infinitamente agra-  
 decido. Otro caso parecido me pasó cuando tenía unos seis años  
 que venía a la escuela de mi abuelo paterno en Moaña,  
 por salir gritando, cuando finalizaron las clases, aquella  
 confianza me ocasionó de regalo otros dos bofetados quedando  
 también muy agradecido, cosas de la vida.

He obtenido algún dato de alumnos que pueden recordar  
 a D. Eloy cuyos nombres y N.º teléfono son los siguientes, una  
 señora que reside en Vigo se llama Virginia Rey Delgado  
 N.º teléfono 986-27-55-54. Otro también en Vigo N.º 986-1264982  
 se llama Francisco Álvarez, creo, no tengo más datos de estos.  
 Le afirmo que el mencionado José Rodríguez de Bande, lo  
 recuerdo perfectamente. La obtención de estos datos ha sido  
 el motivo de la demora en contestarle.

Es para mí una satisfacción por lo menos saber el final de  
 esta incógnita, como creo lo es para usted.

Les deseo desde aquí salud y felicidad y si es posible volver  
 algún día

José Perdiz

Carta de José Perdiz.

*José Rodríguez González*  
PROCURADOR DE LOS TRIBUNALES  
LOPEZ CONDE, 7  
TELEFONO 881  
983443164

*Barrio (Cronos)* 15 de Junio del 2,007.  
D<sup>a</sup> Lola Júdez López  
Mestra  
Oliva ( Valencia)

Apreciable compañera: He recibido la suya de fecha 31-5-07, en la que me pide informes sobre la vida que hizo su tío q.e.p.d.d. Eloy Tejada ,Maestro que fué de Rañadoiro , en estas tierras de la Baixa Liria.Lamento muchísimo que aquel buen Maestro muriese fusilado sin haber cometido delito alguno, como él los Maestros se hicieron republicanos en agradecimiento al Ministro de Educación D. Marcelino Domingo que le puso a los Maestros un sueldo justo, creo que cobraban 140 pts.al mes,decía el refrán " pasas más hambre que un Maestro de escuela"

Vino su tío a Rañadoiro a una Escuela Nacional Mixta de nueva creación ,ordenó comprar comprar buenos libros entre ellos la Enciclopedia del que fuera Maestro de Alfonso XIII D. José Dalmau Carles; en aquellos tiempos la enseñanza era a base de Catecismo del Padre Astete, fué un Maestro trabajador motivo por el cual fué muy apreciado.


Era bajo, rubio y tenía una novia en el pueblo de Mugneimes llamada Olimpia Tejada.

Preparé a algunos alumnos para ingreso en el Instituto y así hicimos alguna carrera.

Cuando marché de Rañadoiro me dejó su dirección, le escribí y no he tenido contestación ,pero nunca olvidé al buen Maestro riojano D. Eloy.

Siento mucho el final que ha tenido ,pues es muy duro pasar por un fusilamiento sin culpa, jamás olvidaré el fusilamiento en el verano del 39 en Játiva de 22 hombres.

Reciba un saludo de este compañero ,



Carta de José Rodríguez González.

Poucas mais explicacións podemos engadir, ao xa sinalado nas distintas contribucións do número 21 de Sarmiento. Tan só recuperemos a memoria dun novo mestre asasinado naquel verán do 1936.

O capítulo do exilio aínda é mais difícil de pechar, pois de toda a lista de mestres represaliados en 1936, é moi probable que un bo número dos que vivían ó pé da raia aproveitasen a hospitalidade do pobo portugués do norte para fuxir de perigos aos que todos e todas estaban expostos, porque como dicía Domingo R. Teijeiro, os fascistas “pretenderon que todo o país se convertese nunha inmensa cadea”<sup>8</sup>.

<sup>8</sup> Domingo Rodríguez Teijeiro, “*Longa noite de pedra*” no *Mosteiro de San Salvador. Represión e reclusión en Celanova (1936-1943)* (A Coruña: Vía Láctea. 1999).

Tres nomes aparecen claramente identificados nesta nosa pesquisa en terras de Lobeira e Castro Laboreiro: Eudisia Lorenzo Diz, José Pena Domínguez e Argimiro Gándara Prieto.<sup>9</sup>

Eudisia Lorenzo Diz é unha xoven mestra, nacida en 1917, e que acababa de titularse na Normal de Ourense a finais de 1935. Unha breve interinidade en San Xes de Vilariño,(Lobeira) en 1936, resume toda a súa carreira profesional, truncada pola persecución que sofre toda a súa familia, e pola desconfianza nas promesas do capitán Salgado Biempica de que os ía protexer.

O mesmo 18 de xullo, o pai entregou no Concello a arma que tiña, e recibiu deseguido unha carta con ameazas de morte por parte dos falanxistas, se non entregaba unha cantidade de diñeiro. Dous días despois decidiu partir para Castro Laboreiro toda a familia:

Con mis 19 años temía la muerte sin motivo, imaginaba mi cuerpo comido por los gusanos, lo que más temía era que me violaran esos brutos analfabetos. En secreto traía siempre conmigo una navajita (que conservé siempre, la tengo todavía) para cortarme las venas de la muñeca izquierda antes de caer en sus manos.<sup>10</sup>

Durante dous anos, Eudisia e os pais foron acollidos en diversas casas castrexas, mentres os outros dous irmáns voltaron para Lobeira, coa tía Jovita, quen ademais arriscaba a vida, cruzando a raia polos camiños do contrabando, con frecuencia, para pasarlles alimentos, diñeiro, vestimenta e outros bens que necesitasen. Completaban as atencións veciños de Castro Laboreiro, que mesmo os levaban á súa casa, nas inverneiras, e voltaban para a serra nas brandas. Delfina Fernandes, nacida en 1921 en Alagoa, aínda relataba, hai pouco, que Eudisia ensinou a ler a ela e á súa irmá, e durmían as tres xuntas, para non levantar sospeitas.<sup>11</sup>

Tinha 15 anos quando ela veio para a nossa inverneira, no lugar da Alagoa. Dormimos juntas. Ela, eu e a minha irmã. Na mesma cama para nao levantar suspeitas. Aos 97 anos há coisas que se esquecem, mas não o essencial. “Ensinou-me a numeração, a ler as parcelas até um

<sup>9</sup> De José Pena temos un amplo expediente facilitado pola Asociación de Memoria Histórica do Val do Limia, mentres que de Argimiro, podemos deducir o seu exilio do dato recollido no citado traballo de Américo Rodrigues, no que fala de Alquero, refugiado en Queimadelo –Castro Laboreiro. No rigoroso expediente elaborado por Paul Feron sobre a súa nai, Eudisia Lorenzo, do que recollemos algunhas imaxes nesta sección documental, un escrito mecanografado, procedente da “Delegación de seguridade, orden público e inspección de fronteiras”, deixa entrever que Argimiro sigue á mestra, ben por amor, ou por “eludir sus responsabilidades”. O informante aposta por isto último, xa que ten coñecemento de que Eudisia era a namorada de Felix Salgado del Moral, asasinado na fronte de Asturias, onde o mandou seu pai, Alejandro Salgado Biempica, capitán do Exército franquista, “para endurecerlo y enderezarlo”, en agudas palabras de Paul Feron.

<sup>10</sup> Carta manuscrita sen data de Eudisia Lorenzo. Arquivo familiar

<sup>11</sup> “Eudisia: “Uma professora Galega refugiada nas montanhas de Castro Laboreiro”, *Minho vale mais*. Jornalismo de referencia (7 decembro de 2018). <https://valemais.pt/vlm/uma-professora-refugiada-nas-montanhas-de-castro-laboreiro/>

milhão e a tabuada. A mim e a outros. Ela era amável. E linda. Foi por caridade que os meus pais os acolheram”.<sup>12</sup>

Delfina facíase eco do que todos dician por alí nestas declaracións feitas a Filomena Abreu do Magazine de Noticias.<sup>13</sup>



Foto de Delfina Fernádes de A Lagoa.

Unha das cousas que chamaba a atención dos gardas era o feito de que houbese nunha casa mais camas das que eran necesarias:

Quando a estación mudou, a familia foi acolhida polos Rendeiros, na branda do Rodeiro, e ali foram apanhados após denuncia. Delfina lembra-se bem: “Houve um gajo aqui de Castro que teve problemas com a policia e quando foi apertado revelou a zona onde eles estavam.” Nessa altura, a Polícia de Vigilância e Defesa do Estado – PVDE- aproximou-se da casa de António Domingos. Torturou a familia para que confessassem o esconderijo dos galegos. “Bem que podiam matá-los que eles nunca falariam”, assegura Delfina.<sup>14</sup>

“Naquela época havia muitos refugiados. Escondiam-nos como se fossem pessoas de cá. Toda a gente lhes deu abrigo. Mesmo sendo pobres dava sempre para alimentar mais um.” Porém, apesar do aparente sossego, a pressão das autoridades franquistas para que os encontrassem nunca desapareceu. Divulgaram o nome dos três como sendo gente “perigosa para a causa nacional”.<sup>15</sup>

---

<sup>12</sup> Filomena Abreu “Amores en tempos de guerra” *Magazine de Noticias*. (18/09/2018), 2-3. Recuperado de <https://www.noticiasmagazine.pt/2018/amores-tempo-guerra/historias/231363/> 22/12/2019 17:33

<sup>13</sup> *Ibidem*

<sup>14</sup> *Ibidem*

<sup>15</sup> *Ibidem*

Paul Feron, fillo, estudioso e admirador da afouteza de súa nai, aínda completa as testemuñas de Delfina:

Imagino que mi madre aprendió en uno de estos lugares de RODEIRO muy parecido al de QUEIMADELO (Castro Laboreiro), en una de este tipo de “cocinas serranas”, a leer, contar y escribir a muchos niños castrejos del contorno. Los de la familia José y Manuel Estéves (oriundos de Seara) me han dicho que esta clase los iba a ayudar mucho para comunicar con la familia en emigración; algunos consiguieron obtener trabajo gracias a ello; pues tenían que conocer al mínimo las primeras letras y las primeras cifras para obtener un contrato de trabajo (pues no eran iletrados).<sup>16</sup>

Nome e apelido: *Eudoxia Lourenço Diz* N.º: *10038*

Estado: *S* Profesión: *Profesora*

Naturalidade: *Castro Laboreiro* Data do nacemento: *9/18*

Filiación: *Agustín Lourenço Puga e de Basilia dos Gonzales*

Residencia: *S. G. S. de*

Outras indicacións: *Proc. 1518/934*

Número do proceso de valores ou documentos apreendidos: *Expulsa*

**BIOGRAFÍA PRISIONAL**


*Prexuízo polo Boato de Sexo em 19-5-38 por estar pedida a súa captura em G.S., indocumentado e fugado de Caspanha recoñecendo a cadeira civil do obediencia (o.s. 142). Em 21-5-38 baixou ao Hospital da Misericórdia de Melgaco (o.s. 143) Alta do Ho. pital da Misericórdia de Melgaco (o.s. 161) transferida para esta Direcção em 27-7-38, recoñecendo a súa cadeira incomunicavel (o.s. 211) transferida para a 1.ª Esquadra em 30-7-38 (o.s. 213) Expulsa do país pola fronteira Marítima do porto de Lisboa em 16-8-38, ficando-lhe interdita a entrada em Território Nacional (o.s. 223)*

Sinais particulares: *S*

Altura: *1,68*

Cór: *Branca*

Nacionalidade: *Castro Laboreiro*



Ficha policial de Eudoxia Lorenzo Diz.

<sup>16</sup> Paul Feron, mensaxe de correo electrónico (9 de xaneiro de 2020) desde Perpignan, que acompaña dunha fotografía da informante con esta lenda. “Delfina Fernandes castreja nacida en Mayo de 1921, en Queimadelo, Castro LABOREIRO, diciembre de 2019, le gusta calentarse cerca de la antigua lareira”.

Doutros exiliados temos menos referencias, a menos que puidese haber testemuñas nas terras castrexas, testemuñas que cada vez son mais difíciles de encontrar debido ao paso de mais de 80 anos, e ademais, non todos os refuxiados chegaban a ter tanta familiaridade con veciñas castrexas como lle aconteceu a Eudosia. O refuxio nas minas da serra ou nas casas baleiras das brandas durante o inverno, non permitía un contacto tan persoal coa poboación, que axudaba en ocasións a persoas anónimas, que tiñan en común o feito de ser perseguidos polo terror franquista. Ocorría tamén que a acollida portuguesa fose temporal, para continuar en poucos días cara terras mais seguras saíndo dos portos de Porto ou Lisboa. Noutros casos, como o de Bieito Fernández, optaban por volver e incorporarse a filas.

Nos documentos que incluímos nesta sección, queremos amosar a arbitrariedade das mortes de mestres, a boa consideración que tiñan entre a veciñanza, e a dureza daquelas historias de vida, das persoas que conseguiron atravesar a fronteira, e sufrir alí unha nova represión, constantemente sitiadas polos gardas portugueses ou por incursións de represores franquistas naquelas terras, así como co risco de ser delatadas por algún capturado que cambiaba a liberdade dos demais pola súa posibilidade de perdón. Acusación que dificilmente se podía producir de parte dos veciños e veciñas da raia, auténticas heroes na protección de todos os exiliados que necesitaban da súa axuda. Pero algún dos propios fuxidos non actuaban coa mesma altura ética e moral, pois aínda que se beneficiaban da protección das xenerosas xentes da raia, podían comprometerlos a eles e aos propios refuxiados, revelando á policía datos sobre o paradiro de outras persoas refuxiadas. Tal é o caso de Eudosia<sup>17</sup> que, a pesar do escondite seguro na casa de Antonio Domingues Rendeiro, deron con ela os gardas, debido aos informes precisos que lle facilitou un veciño de Salvaterra, José Juan Domínguez, de triste memoria, pola súa insolidaridade cos demais refuxiados e refuxiadas.

---

<sup>17</sup> Ver Carlos Morais e Paul Féron, *Eudosia Lorenzo Diz, a jovem mestra do Val do Limia. Uma aproximação biográfica* (Ourense: Asociación de Memoria histórica do Val do Limia, 2020).

*Original:*  
*P. O. nº 5272/38*      *1518/39*  
Policia Internacional Portuguesa

Posto de Melgaço      Mês de Maio

Relatório Extraordinário

Exmº Senhor

1518/39 Tendo sido informado que nos lugares de Estivadas e Rodeiro, se encontravam refugiados, alguns espanhóis, entre eles, Eudozia Diz, Augustin Lorenzo e Basillia Diz, a que se refere a O.S. nº 338/37, para estes lugares me dirigi, a-fim-de proceder as respectivas capturas.

Em Estivadas, depois de muito trabalho, consegui encontrar um curral, de ~~onde~~ escondido entre a palha, o espanhol refugiado, Camilo Gonzalez Alonso, o qual detive conforme dei conhecimento a V. Exª., no meu officio nº 144/38, de 11 do corrente.

No Rodeiro, Serra de Castro Laboreiro, trajecto que tive que efectuar durante toda a noite, para não ser presentado e onde cheguei ao romper da manhã, não me foi possível deter a Eudozia e seus Pais, visto se terem auzentado de vespera, para um local que os castrejos denominam de inverneiras, em virtude das ultimas batidas levadas a cabo pela Guarda Fiscal.

Procedendo a buscas a todas as casas deste lugar, verifiquei que na sua maior parte, eram refugios de espanhóis pois os seus locatarios, não sabiam explicar a existência de camas que nas residências qu nos palheiros, se encontravam, isto em número muito superior, as pessoas que nestas residiam.

Numa destas casas, cuja locataria se dizia estar ausente já há meses, que para entrar dentro, foi preciso fazel'o pelos baixos de um curral, fui encontrar umas quatro camas com roupas remexidas, dando tudo indícios de uma retirada precipitada. Entre outra papelada, encontrei a fotografia de Eudozia Diz e de seu pai Augustin Lorenzo, um envelope dirigido para o Consul de Cuba em Porto, e outros retratos de espanhóis refugiados.


Estava pois, dentro do refugio dos epigrafados, mas interrogada a vizinhança do seu paradeiro ou da locataria não me foi possível obter quaisquer informes concretos, que me facilitasse uma pista para a sua captura. Acresce ainda, que a Eudozia, traja agora de castrejo, para mais facilmente poder andar entre estas e não ser reconhecida.

Como já é do conhecimento de V. Exª. este povo da Serra, embora com costumes bastante selvagens, são dotados de uma impular astucia, preferindo a prisão e as maiores torturas a denunciarem o paradeiro dos espanhóis refugiados, que para eles, representa um governo de vida, pelas pesetas que recebem da comida albergue e outras incumbencias, que sem escrupulos executam.

Assim torna-se difícil a captura de grande numero de refugiados espanhóis que ainda hoje se encontram pela Serra, que ao mais leve aviso da aproximação da Policia ou da Guarda Fiscal, desertam dos lugares onde se encontram, para se esconderem entre os rochedos, alguns já com furnas por estes preparadas, onde difficilmente poderão ser encontrados.

Junto envio a V. Exª. as fotografias da Eudozia Diz e de seu pai Augustin Lorenzo, "El Masidao", para que V. Exª.

2=

  
TORRE  
TOMBO

Carta do xefe da policia internacioanal portuguesa do posto de Melgaço.

se digne ordenar que sejam tiradas uma reproduçãoes e enviadas, com a possivel brevidade a este posto, para diátribuir pelos Postos da Guarda Fiscal, desta area.

Com novos elementos sobre o paradeiro de outros refugiados, que consegui obter do espanhol Camilo Alonso, que detive em Estivadas, e salvo ordens de V. Ex<sup>a</sup>. em contrario, espero levar a cabo nova diligencia, da qual oportunamente darei conhecimento a V. Ex<sup>a</sup>., do seu resultado.-

A bem da Nação

Lisboa, 12 de Maio de 1938

Ao Exm<sup>o</sup> Snr. Secretario Geral da P.V.D.E.-Lisboa


o Chefe do Posto

a) João G. da Cunha



Carta do xefe da policía internacional portuguesa do posto de Melgaço (continuación).





Carta de D<sup>a</sup> Eudosa Lorenzo con data do 8 de novembro de 1991 dirixida ao director da Escola Universitaria do profesorado de E.X.B de Ourense solicitando o seu título de Maestra de Primeira Ensinanza.



Título de mestra de primeira ensinanza de D<sup>a</sup> Eudosa Lorenzo Diz. Recollido mais de 50 anos despois.